



# ЮРИСТ АХБОРОТНОМАСИ

ВЕСТНИК ЮРИСТА \* LAWYER HERALD

ҲУҚУҚИЙ, ИЖТИМОИЙ, ИЛМИЙ-АМАЛИЙ ЖУРНАЛ



CYBERLENINKA



НАУЧНАЯ ЭЛЕКТРОННАЯ  
БИБЛИОТЕКА  
LIBRARY.RU



ISSN 2181-9416

Doi Journal 10.26739/2181-9416

# ЮРИСТ АХБОРОТНОМАСИ

2 СОН, 1 ЖИЛД

---

## ВЕСТНИК ЮРИСТА

НОМЕР 2, ВЫПУСК 1

---

## LAWYER HERALD

VOLUME 2, ISSUE 1



TOSHKENT-2020

# МУНДАРИЖА/СОДЕРЖАНИЕ/CONTENT

## ДАВЛАТ ВА ҲУҚУҚ НАЗАРИЯСИ ВА ТАРИХИ. ҲУҚУҚИЙ ТАЪЛИМОТЛАР ТАРИХИ

**1.АЗАМОВ Жасурбек Муродович**  
ҲУҚУҚНИ ҚЎЛЛАШ АМАЛИЁТИ: МУАММО ВА ЕЧИМЛАР.....8

### КОНСТИТУЦИЯВИЙ ҲУҚУҚ. МАЪМУРИЙ ҲУҚУҚ. МОЛИЯ ВА БОЖХОНА ҲУҚУҚИ

**2.МАМАТОВ Худоёр**  
ҚОНУН ҲУЖЖАТЛАРИНИ ИЖРОЧИЛАР ВА АҲОЛИГА ЕТКАЗИШ  
МЕХАНИЗМЛАРИНИ ТАКОМИЛЛАШТИРИШ.....15

### ФУҚАРОЛИК ҲУҚУҚИ. ТАДБИРКОРЛИК ҲУҚУҚИ. ОИЛА ҲУҚУҚИ. ХАЛҚАРО ХУСУСИЙ ҲУҚУҚ

**3.ИСМАИЛОВА Раъно Шухрат қизи**  
ДОГОВОР В СИСТЕМЕ МЕЖДУНАРОДНЫХ АВТОМОБИЛЬНЫХ  
ПЕРЕВОЗОК ГРУЗОВ.....21

**4.ГАНИЕВ Нихолбек Валиевич**  
ТЕЛЕКОММУНИКАЦИЯ ХИЗМАТЛАРИ СОҲАСИДАГИ  
ШАРТНОМАЛАРНИНГ ТИЗИМИ.....30

**5.ХАЙРУЛЛАЕВА Дилбар Абдусаматовна**  
ЧЕТ ДАВЛАТЛАР СУДЛАРИНИНГ ВА АРБИТРАЖЛАРИНИНГ ҲАЛ КИЛУВ  
ҚАРОРЛАРИНИ ТАН ОЛИШ ВА ИЖРОГА ҚАРАТИШ ТУШУНЧАСИ ВА  
МОҲИЯТИ.....38

**6.ZAYNOBIDDINOVA Farangiz Baxtiyor qizi**  
REFORMS IN THE INVESTMENT LEGISLATION OF UZBEKISTAN.....45

**7.ЮЛДАШОВ Абдумумин**  
ИНТЕЛЛЕКТУАЛ МУЛК БЎЙИЧА МИЛЛИЙ СТРАТЕГИЯЛАРНИНГ  
АҲАМИЯТИ ВА БУТУНЖАҲОН ИНТЕЛЛЕКТУАЛ МУЛК  
ТАШКИЛОТИНИНГ БУ БОРАДА ТУТГАН ЎРНИ.....53

### ФУҚАРОЛИК ПРОЦЕССУАЛ ҲУҚУҚИ. ИҚТИСОДИЙ ПРОЦЕССУАЛ ҲУҚУҚИ. ҲАКАМЛИК ЖАРАЁНИ ВА МЕДИАЦИЯ

**8.ЭШИМБЕТОВА Дармон Уразбаевна, МАШКУРОВ Ғайрат Абдужалилович**  
КОРПОРАТИВ НИЗОЛАР ТААЛЛУҚЛИЛИГИ МЕЗОНЛАРИНИНГ ЎЗИГА  
ХОС ЖИҲАТЛАРИ.....60

### ЖИНОЯТ ҲУҚУҚИ, ҲУҚУҚБУЗАРЛИКЛАРНИНГ ОЛДИНИ ОЛИШ. КРИМИНОЛОГИЯ. ЖИНОЯТ-ИЖРОИЯ ҲУҚУҚИ

**9.ОТАЖОНОВ Абдоржон Анварович, КУШБАКОВ Дилшод Мусурмонкулович**  
АҚЛИ РАСО ВА НАРОСОЛИК ТУШУНЧАСИ ҲАМДА МЕЗОНЛАРИ,  
ШУНИНГДЕК УЛАРНИ ТАРТИБГА СОЛИШГА ДОИР ЖИНОЯТ  
ҚОНУНИ НОРМАЛАРИНИ ТАКОМИЛЛАШТИРИШ МАСАЛАЛАРИ.....73

**10.АЛИЕВ Шухрат Хасанович, ҚАРШИЕВ Фуломжон Сайфуллаевич**  
ОИЛАДА ЁШЛАР ЖИНОЯТЧИЛИГИНИНГ ОЛДИНИ ОЛИШ  
ЙЎНАЛИШЛАРИ.....87

**ЖИНОЯТ ПРОЦЕССИ. КРИМИНАЛИСТИКА, ТЕЗКОР-ҚИДИРУВ ҲУҚУҚ  
ВА СУД ЭКСПЕРТИЗАСИ**

- 11.РАЖАБОВ Бахтиёр Алмахматович, АБДУҚОДИРОВ Фарходжон Фахритдин  
ўғли**  
ЖИНОЯТ ПРОЦЕССИДА ИСБОТ ҚИЛИШНИНГ ИШТИРОКЧИЛАРИ.....94
- 12.ХАСАНОВ Шавкатбек Хайбатуллаевич**  
СУД ЭКСПЕРТЛАРИНИНГ ПРОФИЛАКТИК ФАОЛИЯТИ.....102

**ХАЛҚАРО ҲУҚУҚ ВА ИНСОН ҲУҚУҚЛАРИ**

- 13.САИДОВА Лола Абдувахидовна**  
ЖАҲОН ГЕНДЕР ТАРИХИГА БИР НАЗАР ВА ЎЗБЕКИСТОНДА ГЕНДЕР  
СИЁСАТИНИНГ ҲУҚУҚИЙ АСОСЛАРИ.....110
- 14.ОЧИЛОВ Бехзод Эргашович**  
ГЕНЕЗИС И ПЕРСПЕКТИВЫ РАЗВИТИЯ СУВЕРЕНИТЕТА И  
МЕЖДУНАРОДНОЙ ПРАВОСУБЪЕКТНОСТИ РЕСПУБЛИКИ  
УЗБЕКИСТАН (ТЕОРЕТИКО-ПРИКЛАДНОЙ АНАЛИЗ).....119

**ЮРИДИК ХИЗМАТ, АДВОКАТУРА, НОТАРИАТ**

- 15.ИСРОИЛОВ Боҳодир Ибрагимович**  
НОТАРИАЛ ФАОЛИЯТНИ СОЛИҚҚА ТОРТИШНИНГ ЎЗИГА ХОС  
ХУСУСИЯТЛАРИ.....133

**ҲУҚУҚИЙ АМАЛИЁТ ВА ХОРИЖИЙ ТАЖРИБА**

- 16.ТОШҚУЛОВ Журабой Ўринбоевич, УМИДУЛЛАЕВ Қахрамон Усманович**  
ҲУДУДЛАРНИНГ ИЖТИМОИЙ-ИҚТИСОДИЙ РИВОЖЛАНИШИНИ  
РЕЙТИНГ БАҲОЛАШНИНГ МУҲИМ ЖИҲАТЛАРИ.....141
- 17.ERKABAЕVA Shakhnoza Ikromjonovna**  
THE LEGAL STATUS OF PARTNERSHIPS IN SEVERAL DEVELOPED  
COUNTRIES AND THE LIABILITY ISSUES IN PARTNERSHIPS.....149

# ЮРИСТ АХБОРОТНОМАСИ ВЕСТНИК ЮРИСТА LAWYER HERALD

**ГАНИЕВ Нихолбек Валиевич,**

Тошкент давлат юридик университети тадқиқотчиси

E-mail: niholbek.ganiev@gmail.com

## ТЕЛЕКОММУНИКАЦИЯ ХИЗМАТЛАРИ СОҲАСИДАГИ ШАРТНОМАЛАРНИНГ ТИЗИМИ

For citation (иктибос келтириш учун, для цитирования): ГАНИЕВ Н.В.  
ТЕЛЕКОММУНИКАЦИЯ ХИЗМАТЛАРИ СОҲАСИДАГИ  
ШАРТНОМАЛАРНИНГ ТИЗИМИ // Юрист ахборотномаси - Вестник  
юриста - Lawyer herald. № 2 (2020), Б.30-37.



№2 (2020) DOI <http://dx.doi.org/10.26739/2181-9416-2020-2-4>

### АННОТАЦИЯ

Ушбу мақола телекоммуникациялар соҳасидаги шартномалар тизими ва шартнома турларига ҳуқуқий тушунча берган ҳолда таҳлил беришга бағишланган. Мақолада бир қанча олимларнинг илмий ёндошувлари ва таклифлари Ўзбекистон қонунчилиги кесимида баён қилинган. Фуқаролик ҳуқуқи муносабатларнинг шаклланишининг аниқ ҳуқуқ доирасида муҳимлигини инобатга олган ҳолда телекоммуникациялар соҳасидаги шартномаларни тизимлаштириш кераклиги ҳақидаги фикрлар келтирилган.

**Калит сўзлар:** телекоммуникациялар, трафик, маълумотларни узатиш, мижозлар шартномаси, мижоз бўлмаганларнинг шартномаси.

**ГАНИЕВ Нихолбек Валиевич,**

Соискатель Ташкентского государственного юридического университета

E-mail: niholbek.ganiev@gmail.com

## СИСТЕМА ДОГОВОРОВ В СФЕРЕ ТЕЛЕКОММУНИКАЦИОННЫХ УСЛУГ

### АННОТАЦИЯ

В данной статье приведен правовой анализ системы договоров в сфере телекоммуникаций с определениями типов договоров. В нем представлены несколько научных подходов исследователей и предложения в рамках законодательства Республики Узбекистан. Принимая во внимание важность выбора

четкой правовой базы для гражданских правоотношений, обозначена необходимость систематизации договоров в сфере телекоммуникационных услуг.

**Ключевые слова:** телекоммуникации, передача данных, клиентские договора, не клиентские договора.

**GANIEV Niholbek,**

Tashkent State University of Law, researcher,

E-mail: niholbek.ganiev@gmail.com

## THE SYSTEM OF CONTRACTS IN THE TELECOMMUNICATION SERVICES SPHERE

### ANNOTATION

This article provides legal analysis on the system of the contracts in the telecommunication sector with definitions to the type of contracts. It provides several scientific approaches of researchers and suggestions in the framework of Uzbekistan laws. Taking into consideration the importance of choosing a clear legal framework for civil legal relations, it will be necessary to systematize the contracts in the sector of telecommunication services.

**Keywords:** Telecommunication, traffic, data transmission, contract with customers, non-customer contracts.

Телекоммуникация компанияси ўз фаолиятини юритиш жараёнида одатдаги хўжалик шартномалари (бинони ижарага олиш, офис техникасини етказиб бериш ва шу кабилар) билан бирга айнан ўз фаолиятининг асосий тури - телекоммуникация хизматларини кўрсатишга қаратилган кўплаб шартномаларни тузади. Тегишли телекоммуникациялар соҳасида фаолият кўрсатиш ҳуқуқини берувчи лицензияларни олиш (частотага лицензия, телекоммуникация тармоқларини лойиҳалаш, қуриш, фойдаланиш ва хизматлар кўрсатишга рухсат олиш ва бошқалар) таомилларини бажаргани ва телекоммуникация тармоқларини эксплуатация киритганидан кейин телекоммуникация компаниясининг фаолияти фақат мижозлар билан телекоммуникация хизматларини кўрсатиш тўғрисидаги шартномани тузиш билан чекланмайди. Бинобарин, мазкур хизматларни кўрсатишни таъминлаш мақсади учун телекоммуникация компанияси бошқа телекоммуникация компаниясининг телекоммуникация тармоқларига уланиши, трафикни ўтказишни таъминлаш мақсади учун мижозларга узлуксиз сервис хизматини кўрсатиш, телекоммуникация хизматларининг аҳолиятини ва жозибдорлигини оширадиган (шу жумладан, SIM-карта (идентификация модули)ни масофадан туриб алмаштириш, контент хизматларини кўрсатиш, абонент линияларини абонент ускунаси жойлашган жойгача олиб боришни таъминлаш) телекоммуникация хизматларини кўрсатиш билан узвий боғлиқ бўлган мижозларга бошқа хизматлар кўрсатиш бўйича самарали фаолиятни йўлга қўйиши, телеканалларни трансляция қилиш мақсади учун эфир ёки кабел орқали узатувчилар билан шартномалар тузишни таъминлаши, замонавий тўлов тизимлари, банк хизматларини жалб этган ҳолда "онлайн" режимида алоқа хизмати учун тўловларни қабул қилишни амалга ошириш талаб этилади. Ушбу мақсадларга эришиш учун телекоммуникация компаниялари нафақат мижоз (телекоммуникация хизматидан фойдаланувчи)лар билан шартномавий муносабатларга киришиши лозим бўлади, балки тадбиркорлик фаолияти субъектлари билан шартнома тузиши зарурдир [1, Б. 55].

Бу турдаги шартномаларнинг шартлари мижозларга телекоммуникация компаниялари томонидан шаклланган одатларни ҳисобга олиб, тузилаётган шартноманинг шартларидан келиб чиқиб, амалдаги қонунчилик, шунингдек шартномалар эркинлиги тамойили асосида таклиф этилади. Масалан, бир оператор томонидан иккинчи операторнинг ҳудудида телекоммуникация ускуналарини жойлаштириши мақсадида телекоммуникация компаниялари қоидага кўра технологик ресурслар комплексига хизмат кўрсатиш шартномасини тузадилар ва унинг матни телекоммуникация компаниялари фуқаролик қонунчилигининг умумий принципларини ҳисобга олиб ишлаб чиқадиларки, бу матннинг мазмуни компаниянинг ички талаблари асосида шакллантирилади.

Айни пайтда мазкур турдаги шартномаларга тааллуқли бўлган нормаларнинг қўлланилиши аҳамияти катта. Хусусан, телефон тармоқлари ва маълумотларни узатиш тармоқларига уланиш соҳасидаги электр алоқалари тармоқларига уланиш шартномаси шартлари "Умумий фойдаланиш телекоммуникация тармоғида телефон алоқаси хизматларини кўрсатиш" Қоидалари (рўйхат рақами 1323, 2004 йил 15 март), "Телекоммуникация тармоқларини умумий фойдаланиладиган телекоммуникация тармоқларига қўшиш тартиби тўғрисида"ги Низом (рўйхат рақами 377, 1997 йил 12 декабрь) билан белгиланади.

"Телекоммуникациялар тўғрисида"ги Ўзбекистон Республикаси Қонунининг 2-моддасида телекоммуникация хизматининг тушунчаси белгиланган. Бироқ, ушбу тушунчадан ташқари, мазкур қонунда универсал хизматлар ва тармоқлараро уланишлар тушунчаси ҳам назарда тутилган. Мазкур хизматлар бевосита телекоммуникация хизматларининг ўзига хос турлари ҳисобланади. Хусусан, "Телекоммуникациялар тўғрисида"ги Қонуннинг 2-моддасига кўра, тармоқлараро уланишлар-телекоммуникация тармоқларининг ўзаро технологик ҳамкорлиги бўлиб, у турли телекоммуникациялар операторларининг фойдаланувчилар ўртасида ахборотни узатиш ва қабул қилишни таъминлайди.

Телекоммуникация компаниялари телекоммуникация хизматларини нафақат ўзининг тармоғидан фойдаланиб, балки бошқа телекоммуникация компаниясига тегишли тармоқдан фойдаланиб кўрсатиш имкониятига эга бўлиши учун ушбу компаниялар тармоқлараро уланиш шартномасини тузишлари лозим бўладигани ("Телекоммуникациялар тўғрисида"ги Қонунининг 17-моддаси тўртинчи қисми), бунинг натижасида мамлакат бўйлаб ва бутун жаҳонда телекоммуникация тармоқларига уланиш амалга оширилади. Айнан шундай шартноманинг мавжудлиги ва уларнинг бажарилиши сабабли "Интернет"дан фойдаланиш, шаҳарлараро ва халқаро телефон алоқаси ва бошқа телекоммуникация хизматларидан фойдаланиш имконияти юзага келади.

Телекоммуникация тармоқларига уланиш хизматлари билан трафикни ўтказиш бўйича хизматлар узвий боғлиқ ҳисобланади ва бу хизмат телекоммуникация хизматини тармоқлар ўртасида трафикни ўтказиш бўйича эҳтиёжини қаноатлантиришга йўналтирилади. Бунда шуни аниқлаштириш лозимки, трафик деганда, телекоммуникация воситаларида товушлар, хабарлар ва сигналлар оқимини яратадиган юклама ҳисобланади.

Бинобарин, трафикни ўтказиш бўйича хизмат кўрсатиш фақат икки телекоммуникация компаниялари ўртасидаги телекоммуникация тармоғи бир-бирига уланган бўлса мумкин бўлади ва трафикни ўтказиш бўйича хизмат телекоммуникация тармоқларига уланиш тўғрисидаги шартномага киритилади холос.

Амалда ҳар доим телекоммуникация компанияларида учинчи шахсларга тегишли йўналиш-кабель иншоотларида, шу жумладан телефон қудуқларида

телекоммуникация кабелларини жойлаштириш тўғрисидаги шартномани тузиш зарурати юзага келади. Қайд этиш лозимки, А.П.Сергеев ва Т.А.Терещенко бу турдаги шартномалар - кабел канализацияларидаги жойни фойдаланишга бериш тўғрисидаги шартномани атрофлича ўрганишган ва ушбу турдаги шартномалар номланмаган шартномаларга киради, деган хулосага келишган [2]. Бироқ, бу фақат битта нуқтаи назаргина холос.

Хусусан, бу турдаги шартномалар ижара ва сервитут, яъни мулкдор (бошқа Қонуний эга)нинг мол-мулкни чеклаш шартномаларнинг белгиларини ифода этади. Ушбу ҳолатдаги ўзига хослик шундаки, қонунчиликда ҳуқуқи чекланаётган мол-мулк эгасига нисбатан сервитут қандайдир "ижобий" мажбуриятни юкламайдиги [3], бу ҳолат телекоммуникация хизмати шартномаларининг ҳуқуқий табиатини таҳлил этишга тўсқинлик қилмайди ва ўз навбатида телекоммуникация шартномаси сервитутларни белгилашни ҳам қамраб олади.

"Қора толалар" деб номланадиган ускуналарни фойдаланишга тақдим этиш шартномасини ҳам алоҳида қайд этиш лозим. Кўпинча ушбу шартнома "қора толаларни" арендага бериш шартномаси деб номланадики, бизнингча бундай ёндашув унчалик ҳам тўғри эмасдир. Зеро, аренда шартномасининг муҳим белгиси арендага берилаётган мол-мулкнинг аниқ индивидуаллаштирилганилиги ҳисобланади. "Қора толалар"га нисбатан бундай индивидуаллаштиришни қуйидаги сабабларга кўра ҳар доим ҳам амалга ошириш мумкин эмас: биринчидан, кабеллар юзлаб километрга тортилиши мумкин ва кабелларни ётқизишнинг аниқ схемасини чизиш мумкин эмас; иккинчидан, "аренда"га тақдим этилган ядрони алоқа линияси бўйича тортилган кабелнинг бутун узунлиги бўйича улчаш нафақат қийин, балки имконсиздир.

Мол-мулкни арендага бериш ҳуқуқи мол-мулкнинг мулкдорига тегишлидир. Кабель бошқага эмас, айнан шу шахсга тегишлилигининг тасдиғини қоидага кўра тақдим этишнинг имкони йўқ. Қолаверса, бугунги кунда бундай иншоотларга нисбатан мулк ҳуқуқи кимга тегишлилигини белгиловчи норматив-ҳуқуқий ҳужжат ҳам мавжуд эмаски, бу ҳолат ўз навбатида кабел линияларнинг мулкдорлари, мазкур мулкдорларнинг ҳуқуқ ва мажбуриятларини белгилашда турли тушунмовчиликларни юзага келтириш мумкин. Айниқса, телекоммуникация провайдерлари, алоқа операторлари ҳамда телекоммуникация соҳасидаги фаолият олиб боровчи бошқа субъектларга тегишли кабель линияларининг жойлаштирилиши, уларга техник хизмат кўрсатиш ҳамда мулкдор сифатида ушбу субъектларнинг масъулияти масаласини қонунчиликда аниқ белгилаб қўйиш мақсадга мувофиқ бўлар эди. Шу муносабат билан Ўзбекистон Республикасининг "Кабель линия иншоотларига нисбатан мулк ҳуқуқини рўйхатдан ўтказиш тўғрисида"ги низомни қабул қилиш зарур. Ушбу Низом телекоммуникация кабел линияларини рўйхатдан ўтказишни амалга ошириш тартиби, бу турдаги иншоотларни рўйхатдан ўтказиш шартлари ва талабларини белгилаш, рўйхатдан ўтказувчи органнинг ваколатларини назарда тутиш лозим.

Шунга қарамасдан, телекоммуникация объекти ҳисобланган "қора толалар"ни бериш шартномаси мол-мулкни фойдаланишга бериш шартномалари жумласига киритиш мумкин, бироқ уни ижара шартномаси жумласига киритишнинг имкони йўқ. Чунки ижара шартномаси кўчмас мол-мулкни ижарага беришни англатади. Кабель линиялари ва ундаги "қора толалар"ни фойдаланишга бериш эса шунчаки номланмаган шартномалар тоифасига киради.

Бинолог, турли иншоотларнинг томига одатда радио электрон воситалари (РЭВ) жойлаштиришади, булар жумласига антенналар, кенг қамровли узатиш базавий станциялари ва телекоммуникация сигналларини қабул қилиш ва топшириш



учун зарур бўлган бошқа махсус ускуналар киради. РЭВни жойлаштириш тўғрисидаги шартнома бино (иншоот)нинг эгаси қонунчилик белгиланган тартибга риоя қилган ҳолда тузилади.

Кўриниб турибдики, телекоммуникация компаниялари ўзининг асосий фаолияти турини таъминлаш учун тузадиган шартнома турлари кўп бўлиши мумкин.

Ҳуқуқий муносабат учун аниқ юридик конструкцияни танлаш заруратини ҳисобга олиб, яъни телекоммуникация компанияси иштирокидаги у ёки бу шартномавий муносабатни тартибга солиш учун мос келадиган ҳуқуқий инструментни қўллашда [4] мазкур шартномаларни тизимлаштириш зарур бўлади.

Ҳар қандай илмий тизимлаштириш ва тузилишнинг аҳамияти "предмет тўғрисидаги илмий билимлар тизими билан белгиланадики, бусиз билимнинг келгусида ривожланиши, қўлланилиши мумкин эмас. Билимларнинг тўғри тизимини қуриш, предметнинг муҳим алоқадорлиги, муносабати ва хусусиятини яққол ифодаладиган тўғри белгилар асосида амалга оширилади [5].

Фуқаролик ҳуқуқи фанида шартномавий алоқадорлик муаммоси ва номланмаган шартномалар омили анча вақтдан буён маълум. Ушбу масалалар билан Р.О. Халфина, О.С. Иоффе, В.А. Ойгензихт, М.И. Брагинский, В.В. Витрянский, Е.А. Суханов каби олимлар [6] шуғулланишган. Жумладан, В.А. Ойгензихт ноанъанавий шартномалар муаммосини ўрганар экан, конгломентирланган шартномалар (битта ҳужжатда икки ёки бир нечта шартномалар расмийлаштирилган) ва интеграллашган шартномалар (ўзининг моҳиятига кўра аралаш шартномалар)ни ажратади. Бунда В.А. Ойгензихт нотипик шартномалар масаласини атрофлича ўрганади ва бундай шартномалар жумласига моҳиятига кўра фактик муносабатлар етарли даражада расмийлаштирилмаган, шартнома тузишдаги ирода билвосита йўл билан ифодаланмаган ёхуд эрк бир томонлама ифодаланган (масалан, бегона шахс манфаатини кўзлаб топшириқсиз ҳаракат қилиш, кредиторнинг муддатни ўтказиб юбориши оқибатида омонат сақлаш шартномасининг юзага келиши) шартномаларни киритади. Бу ўринда почта, телеграф, телефон алоқаси хизматини кўрсатиш билан боғлиқ шартномаларга эътибор қаратиш ўринлики, В.А. Ойгензихт ҳам ушбу муносабатларни нотипик шартномавий алоқаларга киритади [7].

Телекоммуникация хизмати соҳасида тузиладиган шартномаларини ҳуқуқ субъектларининг ҳуқуқий муносабатининг ўзига хос тартибга солувчиси сифатида тузилиши (структураси)ни англаш зарурати нуқтаи назаридан дихотомия принципи алоҳида аҳамият касб этади. Ушбу принцип асосида М.И. Брагинский ва В.В. Витрянскийлар шартномаларнинг қуйидаги "жуфтлигини" ажратишади: бир томонлама ва икки томонлама, ҳақ эвазига ва текинга, реал ва консенсуал [10]. Муайян фаолият соҳаларидаги шартномавий алоқаларни тизимлаштириш учун шартномаларни типлари, синфлари, гуруҳлари, турлари ва тур ости бўйича таснифлаш ўзига хос қизиқиш уйғотади [11].

Бунда шартномаларнинг ҳуқуқий тартибга солишнинг мақбул тузилиши зарурдир, бинобарин Ю.В.Романец таъкидлаганидек, "муҳими, шартномалар институтининг сафланиши ва ўзаро алоқадорлик механизми муайян мажбуриятга шундай нормаларни қўллаш имкониятини берсинки, бу нормалар шартномавий муносабатларни мақбул ва самарали тартибга солсин" [12].

Замонавий ҳуқуқ фанида телекоммуникация соҳасидаги шартномаларни тизимлаштиришга уринишлар бўлган. Телекоммуникация хизматлари ўз табиатига кўра ҳақиқатда ҳам кўп қирралидир ва ўзида телефон алоқаси, алоқанинг телематик хизматлари, маълумотларни узатиш бўйича алоқа хизматлари, алоқа каналларини тақдим этиш бўйича хизматлар, телерадио кўрсатув ва эшиттиришлар мақсади учун алоқа хизмати ва бошқаларни қамраб олади ва бунда ҳар бир гуруҳ ичида

кўрсатилаётган хизматларнинг кичик гуруҳларини ажратиш мумкин бўлади.

Телекоммуникация соҳасидаги барча шартномаларни бўлишнинг айнан шундай позицияни Л.Б. Ситдикова [13] ҳам қўллаб-қувватлайди. Ушбу ҳолатда шартномаларни тизимлаштириш мезонлари бўлиб кўрсатилаётган телекоммуникация хизматларининг турлари ҳисобланади.

О.М. Михеева телекоммуникация соҳасидаги шартномаларни тизимлаштириш мезонлари сифатида субъектив таркибни таклиф этади ва шу муносабат билан ушбу соҳадаги барча шартномаларни қуйидаги тўртта гуруҳга ажратади:

1) электр алоқаси хизматларини кўрсатувчи ташкилотлари ўртасидаги тузиладиган ўзаро ҳаракат қилиш шартномалари;

2) алоқа операторларининг фойдаланувчи-юридик шахслар билан тузадиган шартномалари;

3) алоқа операторларининг фойдаланувчи-якка тадбиркор фуқаролар билан тузадиган шартномалари;

4) алоқа операторларининг фойдаланувчи-фуқаролар билан тузадиган шартномалари [14].

Алоқа хизматларини кўрсатиш шартномаларининг анча кенг тизими Д.Е. Петрованинг ишида ифодаланган бўлиб, у мазкур шартномаларни хизматни тақдим этиш шакллари (абонентлик ва фойдаланувчилик) ва кўрсатилаётган хизмат турлари (телефон алоқаси хизмати, кўчма алоқа хизматини кўрсатиш тўғрисидаги; маълумот ва ахборотни ўтказиш тўғрисидаги; телерадио кўрсатув ва эшиттиришлар кўрсатиш тўғрисидаги шартномалар)га кўра тақсимлашни таклиф этади [15].

Ушбу муаллиф томонидан ишлаб чиқилган ҳуқуқий нуқтаи назар билан келишиб бўлмайди. Шунга қарамасдан, ушбу бўлиниш мезони телекоммуникация компанияларининг асосий фаолият тури - телекоммуникация хизматларининг кўрсатишни таъминлаш мақсадида тузиладиган барча шартномаларни қамраб олмайди.

Юқоридагилардан келиб чиқиб, тадбиркорлик фаолияти алоҳида субъекти сифатида телекоммуникация фаолияти тўғрисидаги ҳуқуқий қарашларни тизимлаштириш мақсади учун телекоммуникация компанияси иштирокидаги тузиладиган шартномаларни тизимлаштиришда дихотомия принципи ва шартномаларни типлаштириш принциpidан фойдаланишни таклиф этиш мумкин.

Ушбу принципларни ҳисобга олиб телекоммуникация компанияларининг фаолияти йўналишлари бўйича ва субъектив таркиби бўйича шартномаларни "Мижозлар шартномаси" ва "Мижоз бўлмаганлар шартномалари"га ажратиш таклиф этилади:

1. "Мижозлар шартномаси" - телекоммуникация компанияларининг телекоммуникация хизмати фойдаланувчилари билан (абонентлар, фойдаланувчилар (яъни мижозлар), бевосита ушбу мижозларга телекоммуникация хизматларини кўрсатишга йўналтирилган) тузиладиган шартномалар.

2. "Мижоз бўлмаганлар шартномалари" - бевосита телекоммуникация хизматини истеъмол қилиш билан боғлиқ бўлмаган, бироқ ушбу хизматларни кўрсатишга қаратилган тарафлардан бири телекоммуникация компанияси бўлган бошқа барча шартномалар.

"Мижозлар шартномаси"ни тузиш, ўзгартириш, бекор қилиш билан боғлиқ ҳуқуқий муносабатлар фуқаролик қонунчилиги, "Телекоммуникациялар тўғрисида"ги Қонун, Ўзбекистон Республикаси Президентининг фармон ва қарорлари, Вазирлар Маҳкамасининг қарорлари билан тартибга солинади.

"Мижоз бўлмаганларнинг шартномалари" тадбиркорлик ҳуқуқи субъектларининг фаолиятини мазкур субъектларнинг тенглиги принципи асосида тартибга солади

ва миллий қонунчиликнинг тузилишини ҳисобга олган ҳолда тадбиркорлик шартномаларининг алоҳида тоифаси ажратилмайди, ушбу шартномалар фуқаролик қонунчилиги, шу жумладан ФКнинг умумий ва махсус қоидалари билан тартибга солинади.

Дихотомия принципини қўллашда давом этадиган бўлсак барча "мижоз бўлмаганларининг" шартномалари шартнома тарафларининг телекоммуникация ва оммавий ахборот воситалари (ОАВ) соҳаларида фаолият олиб борадиган ёки мазкур соҳаларда фаолиятни амалга оширмайдиганлар субъектларга нисбатан муносабатидан келиб чиқиб "Тарафларнинг алоҳида мақоми билан боғланган мижоз бўлмаганларнинг шартномаси" ва "Умумхўжалик мижоз бўлмаганларнинг шартномалари"га бўлиш таклиф этилади. Бунда "Тарафларнинг алоҳида мақоми билан боғланган мижоз бўлмаганларнинг шартномаси" телекоммуникация компанияларининг ўрнатилган тартибга мувофиқ телекоммуникация ёки ОАВ соҳасида фаолият олиб бораётган махсус субъектлар билан тузиладиган шартномаларни ифода этади. "Умумхўжалик мижоз бўлмаганларнинг шартномалари" телекоммуникация компанияларининг телекоммуникация ёки ОАВ соҳасида фаолият олиб бораётган махсус субъектлардан ташқари, ҳар қандай тадбиркорлик фаолияти субъекти билан тузадиган шартномалари киради.

Телекоммуникация соҳасида тузилиши мумкин бўлган шартномаларни тизимлаштириш тугалланган тус касб этмайди, чунки техник ривожланиш ҳисобига телекоммуникация алоқасининг у ёки турлари доимий равишда ўзгариб туради.

### **Иқтибослар/Сноски/References**

1. Кузнецова О.А. Гражданско-правовое регулирование договорных отношений в сфере телекоммуникационных услуг: дис. ... канд. юрид. наук. - М.: 2017. - 55 с. ) (Kuznetsova O.A. Civil regulation of contractual relations in the field of telecommunications services: dis. ... cand. legal sciences. - M.: 2017. - p. 55)

2. Сергеев А.П., Терещенко Т.А. Договор о предоставлении в пользование места в кабельной канализации // Арбитражные споры. 2013. № 2. (Sergeev A.P., Tereshchenko T.A. Agreement on the provision of a place in cable ducts for use // Arbitration disputes. 2013. №. 2)

3. Родионова О.М. Гражданско-правовая природа соглашения об установлении сервитута // Юрист. 2013. № 23. С. 25-38. (Rodionova O.M. Civil law nature of the agreement on the establishment of easement // Yurist. 2013. №. 23. p. 25-38)

4. Челышев М.Ю. О юридических конструкциях в проекте изменений и дополнений в Гражданский кодекс Российской Федерации // Гражданское право. 2013. № 1. С. 33-35. (Chelyshev M.Y. On legal constructions in the draft amendments and supplements to the Civil Code of the Russian Federation // Civil Law. 2013. №. 1. p. 33-35)

5. Зайцев К.А. Конституционно-правовой статус юридического лица в сфере предпринимательской деятельности: дис. ... канд. юрид. наук: 12.00.02; 12.00.03. Москва, 2006. С. 39. (Zaitsev K.A. Constitutional legal status of a legal entity in the field of entrepreneurial activity: dis. ... cand. legal Sciences: 12.00.02; 12.00.03. Moscow, 2006. p. 39)

6. Суханов Е.А. Гражданское право. Т. 2. М.: БЕК, 1993. С. 45- 46. (Sukhanov E.A. Civil law. T. 2. M.: BEK, 1993. p. 45-46)

7. Ойгензихт В.А. Нетипичные договорные отношения в гражданском праве. Учеб. пособие.- Душанбе.1984.С.5-6.(Oygenzikht V.A. Atypical contractual relationships in civil law. Textbook. - Dushanbe. 1984. p. 5-51.)

8. Брагинский М.И., Витрянский В.В. Договорное право. Общие положения. 3-

е издание, стереотипное. М.: Статут, 2001. Кн.1. // СПС "Консультант Плюс". (Braginsky M.I., Vitryansky V.V. Contract law. General Provisions 3rd edition, stereotyped. М.: Statute, 2001. Book 1. // АТР "Consultant Plus")

9.Корецкий А.Д. Теория договорного регулирования гражданско-правовых отношений: автореф. дис. ... докт. юрид.наук: 12.00.03. Ростов-на-Дону, 2007. (Koretsky A.D. Theory of contractual regulation of civil law relations: author. dis. ... doc. legal science: 12.00.03. Rostov-on-Don, 2007)

10.Романец Ю.В. Система договоров в гражданском праве России. М.: Юристъ, 2001, С. 64-68. (Romanets Yu.V. The system of contracts in the civil law of Russia. М.: Yurist, 2001, p. 64-68)

11.Ситдикова Л.Б. Правовая природа услуг связи и их место в договоре на возмездное оказание услуг // Юридический мир, 2007, № 10. (Sitdikova L.B. The legal nature of communication services and their place in the contract for the provision of services for a fee // Legal World, 2007, №. 10)

12.Михеева О.М. Правовое регулирование деятельности в области оказания услуг электросвязи: дис. ... канд. юрид. наук: 12.00.03. М., 2005. С. 9. (Mikheeva O.M. Legal regulation of activities in the field of telecommunication services: dis. ... cand. legal Sciences: 12.00.03. М., 2005. p. 9)

13.Петров Д.Е. Понятие и виды договоров об оказании услуг связи // Правовые вопросы связи, 2008, № 1. (Petrov D.E. The concept and types of contracts for the provision of communication services // Legal issues of communication, 2008, №.1)